

Bl. 6^b.

Von eyne centener blies ader zenis 2 penge zcol, 2 penge zcu sleschatz, 2 penge zcu wigen.

Ein centener garnis 2 penge zcol, 2 penge sleschatz unde 2 penge zu wigen.

Ein centener wassis 2 penge zcol, 2 penge sleschatz unde zwen penge (zu) wigen.

Ein centener roden adir alun von iglichem centener also vel.

Ein centener fygen, mandiln, rosin iglich centener also vele.

Auch von eyne kluder wollen, daz ein gast virkeuffet ader keuffed, der gibt 5 hll. von y deme kluder, daz ist eyn pennig zcol unde 1 peng sleschatz unde 1 hll. zu wigen.

Virkeuffed auch ein burger eime gaste ein kluder wollen, so gibt der gast von iglichem kluder dry hll., daz ist 1 peng zol unde 1 hll. zu wigen, unde der burger 1 peng zcu sleschatz, auch von iglichem kluder besondern.

Auch was man off deme kirchobe wollin wiked, da gibt 1 gast, der sie virkeuffed, von eyne halben kluder 2¹/₂ hll. obiral.

Auch wege he zwei pund, dry, fyer biz an eyn halb kluder, was darunder ist, da gebe he 2 hll. vone obiral, zol, sleschatz und zcu wigen unde nicht me.

Ein last karthen adir roren, die eyner dreid, der gibt 1 hll. zcu zcolle.

Auch von eyner last strenge adir bastis, daz eyner dreid, auch 1 hll. zu zcolle.

Item hette auch eyner bestin strenge off sinem finster, der gebe 1 hll. zcu der wochin.

Auch wer feyle haid off den finstern in deme sloße¹⁾, zcu Wydenhusen, an deme Grinde, zcu Bylchensteyn, an deme Leckirberge ader wo daz were, iz sie heringe, bockinge, stockfisch, eygere, kese, oley, bodirn, nusse, eppil, berin, die gebin von den finstern unde auch von deme, daz sie off deme merte sitzen, y^e zcu der wochen 1 hll. zcu sleschatze, der hord zcu der wagen mid der stede sleschatz, umme das sie hellirwert unde pennigwert gebin.

Auch wer mel feyle haid off den finstern unde anders nicht me, die gebin erin sleschatz in die molin. Hetten sie auch me feyle, so gebin sie erin sleschatz, als davor benand ist, der gefele zcu der stede sleschatz und der ander in die molin.

Wer auch ysen feil haid off den finstern unde nicht me, die gebin erin sleschatz zcu der wochin den smyden eynen hll.

Auch wer smer, unsleed feyle haid off den finstern und nicht me, die gebin erin sleschatz den fleischauwern 1 hll. zu der wochin.

Auch hette eyner die kouffmanschatz alle off sinen finstern, der gebe sinen sleschatz besondern darvon der staid, den smeden, den fleischauwern, als davor geborte unde als davor benant ist²⁾, iglichem hantwerg sin deyl, dez kouffmanschaff he off sinem finster hette feyle, daz eme zugeborte.

1) Vgl. o. S. 474 *Anm. 1.*

2) S. S. 475 f.